

Concierto Dominical

“Donny Laclé” diadomingo awo cu musica crioyo pa grandi y chikito

YA caba ta un custumber pa masha hopi hende, cu e ultimo diadomingo di luna nan ta bay The French Steakhouse na ‘Manchebo Beach Resort & Spa’, pa disfruta di un mainta ameno, yena cu bon musica y un ambiente masha agradabel.

Dia 30 di october proximo lo no ta diferente. E diadomingo aki lo ta atrobe masha special. Tur presente lo disfruta di 2 ora yena cu musica crioyo alegre.

Diadomingo awor lo tin presentacion di Happy Band cu su integrantenan Robert Thiel,

Nicole Martines-de Kort y Mario Luidens. Jonathan Thiel, alias Biggy Boy, tambe ta forma parti di e fiesta aki. Otro presentacion special ta di Grupo Musical Cristal. E grupo aki ta consisti di ocho dama masha dinamico, esta di e cuartistanan Laura Santini, Adelaïda Ponson, Milagros Posner, Raquel Perez y Mireya Tromp y e guitaristanan Jolanda Croes, Mirta de Haseth (directora musical) y Juanita Vrolijk. Nan a priminti di pone tur hende canta hunto cu nan. Tambe lo ta presente e diadomingo mainta aki e grupo tipico Rincon Boys, cu mescos cu e otro gruponan lo percura pa e mainta aki ta un exito sigur. Manera ta custumber e concierto aki ta cuminsa 11’or di mainta en punto y ta termina 13.00 or. Nos ta invita bo cordialmente pa ta presente trempa pa ta sigur di un bon luga. Entrada ta completamente gratis, pero ta gradici di awor caba pa e contribucion financiero boluntario na Fundacion pa Talento Musical Donny Laclé. Tur hende ta bonbini diadomingo awor, dia 30 di october, pa 11’or en punto!